

## Izvještaj o radu Uprave policije MUP-a Kantona Sarajevo za mjesec mart 2017.godine

### KRIMINALITET

#### OSNOVNI STATISTIČKI POKAZATELJI KRIMINALITETA

U mjesecu Martu 2017. godine, na području Kantona Sarajevo registrovano je 391-no krivično djelo što je za sedam ili 1,8% više u odnosu na isti mjesec prethodne godine.

Od ukupnog broja registrovanih krivičnih djela, 155 ili 39,6% izvršeno je od strane poznatih, a 236 ili 60,4% od strane nepoznatih izvršilaca.

Za 228 djela ili 96,6% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 72 krivična djela iz izvještajnog, a 156 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu martu 2017. godine za ukupno 383 krivična djela ili 98% identifikovali osumnjičene izvršioce, što je za 28,5% više u odnosu na isti mjesec prethodne godine.

OSNOVNI STATISTIČKI POKAZATELJI KRIMINALITETA U MJESECU MARTU 2017. GODINE

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>MART 2017.</b>	<b>391</b>	<b>155</b>	<b>236</b>	<b>228</b>	<b>156</b>	<b>214</b>	<b>6</b>	<b>127</b>	<b>90</b>
MART 2016.	384	130	254	137	81	203	11	132	93
<i>uporedba</i>	7	25	-18	91	75	11	-5	-5	-3
	1,8%	19,2%	-7,1%	66,4%	92,6%	5,4%	-45,5%	-3,8%	-3,2%

Zbog postojanja osnova sumnje da su počinili krivična djela prijavljeno je 214 lica (11 više), od čega je 127 povratnika (pet manje) u izvršenju krivičnih djela (ili 59,3% od ukupnog broja lica), šest maloljetnika (pet manje), a 90 lica je lišeno slobode (tri manje).

KRIVIČNA DJELA PROTIV	MART 2017.	MART 2016.	uporedba		rasvj. MART 2017.	
			+/-	%	broj kd	%
ŽIVOTA I TIJELA	13	9	4	44%	13	100%
SLOBODE I PRAVA ČOVJEKA I GRAĐANINA	13	23	-10	-43%	13	100%
BRAKA, PORODICE I MLADEŽI	19	23	-4	-17%	19	100%
ZDRAVLJA LJUDI	43	28	15	54%	43	100%
PROTIV PRIVREDE, POSLOVANJA I SIGURN...	2	2	0	isto	2	100%
IZ OBLASTI POREZA	1	0	1	---	1	100%
IMOVINE	255	263	-8	-3%	247	96,9%
OKOLIŠA	1	0	1	---	0	0%
OPĆE SIGURNOSTI LJUDI I IMOVINE	7	10	-3	-30%	8	114,3%
SIGURNOSTI JAVNOG PROMETA	14	9	5	56%	14	100%
PRAVOSUĐA	4	1	3	300%	4	100%
11100%2100% JAVNOG REDA I PRAVNOG PROMETA	10	9	1	11%	9	90%
DOGOVOR, PRIPREMANJE, UDRUŽIVANJE I ORGANIZOVANI KRIMINAL (KZ BIH) <sup>2</sup> PODMIČIVANJA I KD PROTIV SLUŽBENE I DRUGE ODGOVORNE FUNKCIJE	0	0	0	---	1	---
ZONDINOIM-a (Sl.novine Kantona Sarajevo br.38/07)	7	6	1	17%	7	100%
UKUPNO	391	384	7	2%	383	98%

*U mjesecu martu 2017. godine u odnosu na isti mjesec prethodne, zabilježeno je neznatno povećanje registrovanih krivičnih djela i to za sedam ili 2%. Povećanje je zabilježeno je u oblasti protiv zdravlja ljudi (za 15 djela), zatim sigurnosti javnog prometa (za pet), pravosuđa (za tri), itd. dok je smanjenje evidentirano u oblastima protiv slobode i prava čovjeka i građanina (za deset), imovine (za osam), braka, porodice i mladeži (za četiri) i opće sigurnosti ljudi i imovine (za tri djela).*

#### PREGLED KRIVIČNIH DJELA PO OBLASTIMA

##### KRIVIČNA DJELA PROTIV ŽIVOTA I TIJELA

Tokom mjeseca Marta 2017. godine u ovoj oblasti evidentirano je 13 krivičnih djela (četiri više u odnosu na Mart 2016. godine) i to: ubistvo - jedno djelo (nije bilo ovih djela u uporednom mjesecu), ubistvo u pokušaju – jedno (isti broj djela), teška tjelesna ozljeda – sedam (isto) i lahka tjelesna ozljeda – četiri djela (tri više).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 17 lica, od kojih je 12 povratnika ili 70,6%, a četiri su lišena slobode.

##### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 13 krivična djela (deset manje) ugrožavanje sigurnosti, za čije izvršenje je prijavljeno 11 lica od kojih je sedam ili 63,6% povratnika, a jedno je lišeno slobode.

Krivična djela ugrožavanja sigurnosti evidentirana su na području sljedećih općina: Novi Grad - pet, Vogošća - tri, Ilidža - dva, Stari Grad, Centar i Novo Sarajevo - po jedno djelo, a počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

##### KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 19 djela (četiri manje) nasilja u porodici, a zbog postojanja osnova sumnje da su počinili ova djela prijavljeno je 19 lica, od kojih je 12 povratnika ili 63,2%, a 11 je lišeno slobode.

#### KRIVIČNA DJELA PROTIV ZDRAVLJA LJUDI

Prijavljena su 43 krivična djela iz oblasti protiv zdravlja ljudi (15 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – pet,
- posjedovanje i omogućavanje uživanja opojnih droga (čl. 239. KZ FBiH) –38 djela.

Zbog postojanja osnova sumnje da su počinili navedena djela podneseni su službeni izvještaji protiv 42 lica od kojih je 19 povratnika ili 45,2% , a 23 su lišena slobode.

*Policijski službenici Uprave policije su Kantonalnom tužilaštvu Sarajevo podnijeli službene izvještaje protiv pet lica zbog postojanja osnova sumnje da su u proteklom periodu u više navrata kupovali opojnu drogu „Marihuanu“, "Heroin", „Amfetamin“, "Ecstasy" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 37 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, “Heroin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

PREGLED ODUZETE KOLIČINE OPOJNIH DROGA U MJESECU MARTU 2017/16. GODINE

VRSTA OPOJNE DROGE	mart 2017. godine	mart 2016. godine
Marihuana (u gramima)	350	---
Marihuana (paketići)	29	17
Heroin (paketići)	8	32
Amfetamin (u gramima)	68	---
Amfetamin (paketići)	25	3
Kokain (paketići)	1	1
Kokain (u gramima)	15	---
Ecstasy (tablete)	71	---
pribor sa ostacima droge	8	2

S ciljem pronalaženja narkotičkih sredstava u izvještajnom mjesecu izvršen je pretres 27 lica, 18 stambenih objekata i automobila po usmenim naredbama Opštinskog suda u Sarajevu.

#### KRIVIČNA DJELA PROTIV IMOVINE

Registrovano je 255 krivičnih djela protiv imovine, što je za osam djela ili 3% manje u odnosu na isti mjesec prošle godine. Među djelima iz ove oblasti najbrojnije su: teške krađe – 147 djela (šest manje), zatim krađe – 35 (osam manje), razbojništvo – 30 (11 manje), oštećenje tuđe stvari – 14 (tri više), prikrivanje - sedam (šest više), prijevara – četiri (dva više), itd.

Za ukupno 247 djela iz ove oblasti (od kojih su 133 iz ranijeg perioda) identifikovan je osumnjičeni izvršilac ili 96,9% što je za 38,7% veća rasvijetljenost imovinskih delikata u odnosu na isti mjesec predhodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i "provale" u ista) - 65 slučaja (28 manje), zatim slijede stambeni objekti - 56 (25 više), poslovni prostori - 19 (sedam manje), itd.

Na području Kantona Sarajevo u mjesecu martu ove godine izvršena su 44 krivična djela teških krađa motornih vozila od čega je 12 ili 27,3% pronađeno i vraćeno vlasnicima (od strane policije MUP-a KS vraćena su dva vozila, MUP RS-a i drugih MUP-ova - po dva, uz novčanu naknadu vraćeno je - jedno i vlasnici su pronašli – pet vozila).

Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv 17 lica (13 više).

Broj teških krađa motornih vozila, u odnosu na uporedni mjesec, znatno je smanjen i to za 23 ili 34,3%.

*U mjesecu martu ove godine službenici Uprave policije MUP-a KS Tužilaštvu BiH podnijeli su službene izvještaje protiv ukupno 14 lica zbog postojanja osnova sumnje da su kao članovi grupe ljudi udruženih sa ciljem činjena krivičnih djela, zajedničkim djelovanjem vršili otuđenja motornih vozila u Kantonu Sarajevo, te iznude novca za povrat istih, čime bi počinili krivična djela iz člana 250. KZ BiH – Organizovani kriminal, 77 teških krađa motornih vozila i 10 krivičnih djela iznude novca za povrat otuđenih motornih vozila.*

Prijavljeno je 35 krivična djela krađe (osam manje), koja su izvršena 14 puta u poslovnim prostorijama, osam puta u vozilima i na stajalištima GRAS-a, četiri u stambenim objektima, šest puta na ulici, itd. odakle su otuđivani novčanici, mobiteli, alati, itd.

Registровано je 30 krivičnih djela razbojništva (11 manje), od čega je za 20 ili 66,7% djela identifikovan osumnjičeni izvršilac što je za 17,9% veća rasvijetljenost ovih djela.

Ova djela izvršena su prijetnjom upotrebe vatrenog oružja - 11 puta, prijetnjom upotrebe noža ili drugog oštrog predmeta –16 i upotrebom fizičke snage – tri puta, a počinjena su u prodavnicama – 17 puta, na ulici devet, u apotekama - dva, itd. Otuđivan je novac, zlatni nakit, mobiteli, cigarete, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 12 lica, od kojih je devet povratnika ili 75% u činjenju krivičnih djela, a devet je lišeno slobode.

Evidentirano je šest krivičnih djela teških krađa na naročito opasan ili naročito drzak način (osam manje), u kojima su izvršioc, upotrebom fizičke snage – tri puta, te verbalnom prijetnjom u tri slučaja, otimali mobitele i novac. Ova djela izvršena su na ulici - pet puta i na tramvajskoj stanici - jednom. Za dva djela ili 33,3% identifikovani su osumnjičeni izvršioc (23,8% manje), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica, povratnika u činjenju krivičnih djela, a jedno je lišeno slobode.

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je sedam djela (tri manje) i to: izazivanje opće opasnosti - pet, nesavjesno čuvanje pasa i drugih opasnih životinja i izazivanje oće opasnosti u pomaganju - po jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv šest lica od kojih je pet povratnika u činjenju krivičnih djela ili 83,3%, a pet je lišeno slobode.

*Krivična djela izazivanja opće opasnosti izvršena su četiri puta na otvorenom prostoru i jedno u stambenom objektu. U dva slučaja pucano je iz vatrenog oružja, dva puta je otvorenim plamenom izazvan požar i u jednom slučaju aktivirana je nepoznata eksplozivna naprava. Posljedica izvršenja navedenih djela je ranjavanje jednog lica, nastala materijalna šteta i uznemirenost građana.*

#### 1.2.7. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je deset krivičnih djela (jedno više) i to: nasilničko ponašanje - četiri, krivotvorenje isprave i ovjeravanje neistinitog sadržaja - po dva, sprječavanje službene osobe u vršenju službene radnje i nedozvoljeno držanje oružja ili eksplozivnih materija – jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 11 lica, od kojih je sedam povratnika ili 63,6%, a tri su lišena slobode.

#### KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca Marta 2017. godine **prijavljeno je šest maloljetnika** zbog osnova sumnje da su **izvršili sedam krivičnih djela**. U poređenju sa istim mjesecom 2016. godine, broj prijavljenih maloljetnih učinilaca krivičnih djela smanjen je za pet ili 45,4%, a broj krivičnih djela za čije izvršenje su prijavljena maloljetna lica smanjen je za 15 ili 68,1%.

Pregled broja maloljetnih izvršilaca krivičnih djela za mjesec Mart 2017. godine  
prema starosnoj strukturi

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	5	1	6

Među maloljetnim izvršiocima krivičnih djela, pet su u dobi između 14 i 16 godina, a jedan je u dobi od 16 do 18 godina. Jedan maloljetni izvršilac je povratnik u izvršenju krivičnih djela.

Maloljetna lica su prijavljena za izvršenje sedam krivičnih djela i to:

- razbojništvo - tri djela (u uporednom mjesecu 11 djela);
- pokušaj razbojništva – jedno (nije bilo);
- lahka tjelesna ozljeda – jedno (nije bilo);
- teška krađa na naročito opasan ili naročito drzak način - jedno (nije bilo) i
- nasilničko ponašanje – jedno (isto kao i u uporednom mjesecu).

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U toku mjeseca Marta 2017. godine na području Kantona Sarajevo registrovan je jedan slučaj aktiviranja minsko-eksplozivnih sredstava (u uporednom mjesecu dva slučaja), što je za posledicu imalo materijalnu štetu na stambenom objektu. Izvršilac je identifikovan i preduzete su odgovarajuće zakonske mjere.

U proteklom mjesecu ove godine evidentirana je jedna anonimna dojava o postavljenoj eksplozivnoj napravi (u uporednom mjesecu nije bilo anonimnih dojava).

#### POŽARI

Tokom mjeseca Marta 2017. godine, na području Kantona Sarajevo registrovano je 20 požara (12 više) koji su za posledicu imali materijalnu štetu.

Prema statističkim pokazateljima, sedam požara je izazvano namjerno, šest nehatom, dok uzroci za sedam požara spadaju u kategoriju ostalih.

Zbog izazivanja požara nadležnom tužilaštvu su podnesena dva službena izvještaja iz člana 323 KZ FBiH (izazivanje opće opasnosti).

## SAMOUBISTVA

U mjesecu Martu 2017. godine na području Kantona Sarajevo registrovano je šest samoubistava (tri više), izvršenih na sljedeće načine: vješanjem – tri puta, ubodom nožem – dva puta i vatrenim oružjem – jednom.

Prema spolu, izvršioци su tri muškarca i tri žene. Starosna dob muškaraca je sljedeća: 48, 64 i 69 godina, dok je starosna dob žena: 41, 53 i 81 godina.

## JAVNI RED I MIR

U toku mjeseca Marta 2017. godine, policijski službenici MUP-a Kantona Sarajevo su protiv učinilaca prekršaja kojima se narušava javni red i mir preduzeli ukupno 322 prekršajne sankcije (naloga - 243, zahtjeva - 79), što u odnosu na mjesec Mart 2016. godine predstavlja smanjenje za 15 ili 2,7%. Prekršajne sankcije preduzete su protiv 557 lica, što u odnosu na isti mjesec 2016. godine predstavlja smanjenje za 222 ili 40,8%.

Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira – 272 (ili 84,4%), dok se na prekršaje utvrđene Odlukom općinskih vijeća o javnom redu i miru odnose 50 prekršajnih naloga i zahtjeva (ili 15,5%).

Prema starosnoj strukturi učinilaca prekršaja, najbrojniji su oni preko 36 godina (177), zatim između 26 i 35 godina (95) i između 19 i 25 godina (69), dok je maloljetnih izvršilaca bilo dva. Među učinioциma prekršaja iz oblasti javnog reda i mira, 42 su povratnika u izvršenju ovih prekršaja.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, jedno lice je teže povrijeđeno (u uporednom mjesecu 2016. godine nije bilo teže povrijeđenih lica), dok je lakše povrijeđeno 21-no lice (četiri ili 23,5% više).

Tabelarni pregled strukture prekršaja iz oblasti javnog reda i mira  
za mjesec Mart 2017/2016.godine

PREKRŠAJI IZ ZAKONA O JRIM:	Mart 2017.	Mart 2016.	+ - %
<i>-Tuče</i>	31	33	-2 ili 6%
<i>-Naročito drsko ponašanje</i>	39	32	7 ili 21,8%
<i>-Odbijanje naređenja i omalovaž. pol. služb.</i>	21	42	-21 ili 50%
<i>-Prosjačenje</i>	136	327	-191 ili 58,4%
<i>-Svađa, vika, nepristojno ponašanje</i>	7	4	3 ili 75%
<i>-Ostali prekršaji iz Zakona o JRiM</i>	38	53	-15 ili 28,3%
Prekršaji prema Odluci općinskog vijeća o JRiM	50	53	-3 ili 5,6%
Ukupno	322	544	-222 ili 40,8%

Prema strukturi prekršaja **najbrojniji su prekršaji učinjeni prosjačenjem** (136 ili 42,2%), zatim naročito drskim ponašanjem (39 ili 12,1%), tučama (31 ili 9,6%), te odbijanjem naređenja i omalovažavanjem policijskih službenika (21 ili 6,5%). Ostali prekršaji učinjeni su svađom, vikom i nepristojnim ponašanjem (sedam), te na druge načine (38).

U odnosu na isti mjesec 2016. godine, u proteklom mjesecu **smanjen je** broj prekršaja izvršenih, tučama, odbijanjem naređenja i omalovažavanjem policijskih službenika, prosjačenjem, te drugim oblicima narušavanja javnog reda i mira, dok je **povećan** broj prekršaja učinjenih naročito drskim ponašanjem, te svađom i vikom.

Najveći broj prekršaja iz oblasti javnog reda i mira izvršen je na **ulici i na drugim otvorenim prostorima (302 ili 93,7%)**, a znatno manje u ugostiteljskim objektima (devet), školama i školskim

dvorištima (četiri), u trgovinskim i zanatskim radnjama (jedan) i na ostalim mjestima (šest). U vozilima javnog saobraćaja i sportskim stadionima i dvoranama nisu registrovani prekršaji.

U odnosu na isti mjesec 2016. godine, u proteklom mjesecu povećan je samo broj prekršaja izvršenih u školama i školskim dvorištima, a na svim drugim mjestima je smanjen broj prekršaja.

Policijski službenici su u toku mjeseca Marta 2017. godine bili angažovani na osiguranju brojnih javnih skupova koji su održani na području Kantona Sarajevo i tim povodom preduzimane su odgovarajuće planske aktivnosti na njihovom bezbjednom odvijanju, tako da su javna okupljanja protekla bez narušavanja javnog reda i mira. Policijski službenici bili su angažovani na osiguranju 238 javnih skupova (60 više u odnosu na isti mjesec 2016. godine), a u 68 slučajeva (37 više) izvršeno je KDZ osiguranje ovih skupova.

## SAOBRAĆAJ

Tokom mjeseca Marta 2017. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je broj nezgoda sa nastradalim licima isti kao u martu prošle godine. Povećan je broj poginulih, dok je smanjen broj povrijeđenih lica.

Evidentirano je 778 saobraćajnih nezgoda (204 ili 20,8 % manje), 713 sa materijalnom štetom (204 ili 22,2 % manje) i 65 sa nastradalim licima (isto kao u martu prošle godine).

U naselju su registrovane 723 saobraćajne nezgode (dvije sa poginulim, 57 sa povrijeđenim licima i 664 sa materijalnom štetom), van naselja 55 nezgoda (šest sa povrijeđenim licima i 49 sa materijalnom štetom).

Evidentirana je 151 saobraćajna nezgoda na raskrsnicama u naselju, devet na pješačkom prelazu, šest na raskrsnicama van naselja, dvije na nadvožnjaku i 610 saobraćajnih nezgoda čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo  
za mjesec Mart 2017./2016. godina

	Mart 2017.	Mart 2016.	+,-, %
UKUPNO SAOBRAĆAJNIH NEZGODA	778	982	- 204 ili 20,8 %
Saobraćajne nezgode sa nastradalim licima	65	65	isto
Saobraćajne nezgode sa materijalnom štetom	713	917	- 204 ili 22,2 %
POGINULO LICA	2	1	+ 1 ili 100 %
- vozači	0	1	- 1
- putnici	1	0	+1
- pješaci	1	0	+ 1
POVRIJEĐENO LICA	84	100	- 16 ili 16 %
- vozači	34	42	- 8 ili 19 %
- putnici	28	38	- 10 ili 26,3 %
- pješaci	22	20	+ 2 ili 10 %

## POSLJEDICE SAOBRAĆAJNIH NEZGODA

Tokom mjeseca marta 2017 godine, u saobraćajnim nezgodama na području Kantona Sarajevo 86 lica je nastradalo (15 ili 14,8 % manje). Dva lica su poginula (jedno ili 100 % više), dok su 84 lica povrijeđena (16 ili 16 % manje), 18 teže i 66 lakše.

Među povrijeđenim licima evidentirana su:

- 34 vozača (osam manje)
- 28 putnika (10 manje)
- 22 pješaka (dva više)

Tabelarni pregled nastradalih lica u saobraćajnim nezgodama po kategoriji učesnika  
za mjesec Mart 2017./2016. godina

	POGINULO			TEŠKO POVRIJEĐENO			LAKŠE POVRIJEĐENO		
	Mart 2017.	Mart 2016.	+, -, %	Mart 2017.	Mart 2016.	+, -, %	Mart 2017.	Mart 2016.	+, -, %
VOZAČI	0	1	- 1	6	2	+ 4 ili 200 %	28	40	- 12 ili 30 %
PUTNICI	1	0	+ 1	5	4	+ 1 ili 25 %	23	34	- 11 ili 32,3 %
PJEŠACI	1	0	+ 1	7	9	- 2 ili 22,2 %	15	11	+ 4 ili 36,4 %
UKUPNO	2	1	+ 1 ili 100 %	18	15	+ 3 ili 20 %	66	85	- 19 ili 22,3 %

Kada je u pitanju stepen povreda, šest vozača je teže, a 28 lakše povrijeđeno, pet putnika je teže, a 23 lakše povrijeđena, dok je sedam pješaka teže, a 15 lakše povrijeđeno.

Starosna struktura lica povrijeđenih u saobraćajnim nezgodama je sljedeća: od 31 do 40 godina – 19 lica, od 25 do 30 godina – 12 lica, od 51 do 65 godina – 11 lica, od 21 do 24 godine – 10 lica, itd. itd. Prema kategoriji puta, najveći broj saobraćajnih nezgoda registrovan je na ulicama u naselju – 620 nezgoda u kojima su 53 lica nastradala (dva lica poginula, 51 lice povrijeđeno), zatim na magistralnim putevima – 77 nezgoda u kojima je 21 lice povrijeđeno, na lokalnim putevima – 38 nezgoda (dva lica povrijeđena), na regionalnim putevima – 13 nezgoda (dva lica povrijeđena) i na putevima koji se ubrajaju u kategoriju ostalih – 30 saobraćajnih nezgoda (osam lica povrijeđeno).

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 662 (43 lica povrijeđena), neprilagođena brzina – 105 (dva lica poginula, 36 lica povrijeđeno) i uticaj alkohola – 11 (pet lica povrijeđeno). Evidentirano je 25 saobraćajnih nezgoda (11 manje) u kojima su učestvovali inostrani vozači i tri nezgode (dvije manje) u kojima su učestvovala vozila međunarodnih organizacija (bez nastradalih lica).

Tokom mjeseca Marta 2017. godine, kontrolisano je ukupno 22.975 vozila (2.150 manje), 5.107 lica u vozilima (222 manje), izvršen je pregled 258 vozila (365 manje) i 254 lica u tim vozilima (178 manje).

Zbog tehničke neispravnosti iz saobraćaja su isključena 43 vozila (10 manje), 197 vozača je zatečeno da upravljaju vozilom pod dejstvom alkohola (280 manje), 541 bez korištenja sigurnosnog pojasa (105 manje), 69 bez položenog vozačkog ispita (193 manje), a 117 vozača je učestvovalo u saobraćaju bez važeće registracije (153 manje).

Zbog kršenja propisa iz oblasti sigurnosti saobraćaja uručeno je 15.695 prekršajnih naloga vozačima (5.723 manje u odnosu na mart prošle godine) i podneseno 56 zahtjeva za pokretanje prekršajnog postupka (25 više).



## MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca Marta 2017. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 7.149 prekršajnih naloga (3.436 manje), upozoreno je 559 vozača (37 manje), a specijalnim vozilom "pauk" premješteno je 235 vozila (22 više).

Pešacima koji su kršili propise uručeno je 336 prekršajnih naloga (devet više), a upozoreno je 137 pješaka (28 manje).

## ZAKONITOST U RADU

Tokom mjeseca Marta 2017. godine, nisu registrovani napadi na policijske službenike MUP-a Kantona Sarajevo. U istom mjesecu prošle godine registrovana su tri napada.

Policijski službenici su tokom mjeseca Marta tekuće godine u tri slučaja (jedan više) opravdano upotrijebili silu.

Tokom mjeseca marta 2017. godine razmatrane su 44 predstavke na rad službenika policije među kojima je za 15 predavki (dvije više) data saglasnost za sprovođenje unutrašnjih istraga, dok je za 29 predavki donesen zaključak da su neosnovane.

Postupano je po 12 predavki iz ranijeg perioda, tako da je razmatrano ukupno 27 predavki.

Okončano je 11 unutrašnjih istraga među kojima je šest osnovanih, u tri slučaja nije bilo dovoljno dokaza, dok su u dva slučaja predavke neosnovane.

## AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE (Sl.novine Kantona Sarajevo br.38/07)

U izvještajnom mjesecu evidentirano je sedam djela regulisanih ZONDINOIM-om (jedno više) počinjenih od strane sedam lica od kojih su četiri povratnika u činjenju krivičnih djela.

U sklopu aktivnosti na oduzimanju nelegalno posjedovanog oružja i drugih predmeta oduzeto je: deset pištolja, 22 „noža, mača, sablje i sl.“, 74 komada municije raznog kalibra, jedan bokser, itd.

Fizičkim licima izdato je 100 odobrenja za nabavku vatrenog oružja (tri manje) i 126 oružnih listova (tri manje).

## 6. RAD POLICIJE U ZAJEDNICI

U okviru Rada policije u zajednici tokom Marta 2017. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

**Sarajevo, 13.04.2017.godine**

**Odjeljenje za odnose sa javnošću  
MUP-a Kantona Sarajevo**